

# Generalforsamling

## Cybernetisk Selskab (Cyb)

**Dato:** 22. november 2011

**Stad:** Smalltalk, Ole Johan Dahls hus

**Tilstade:** 39 deltakande med stemmerett

### *Sak 1 Valg av møteleder*

Marius Næss Olsen stilte som møteleiar og vart valt ved akklamasjon.

Arne Hassel og Torgeir Lebesbye stilte som teljekorps og vart valt ved akklamasjon.

### *Sak 2 Val av referent*

Marte Hesvik Frøyen stilte som referent og vart valt ved akklamasjon.

### *Sak 3 Val av protokollunderskrivarar*

Helena Zarifa Pedersen og Øyvind Bakkeli stilte som protokollunderskrivarar og vart valt ved akklamasjon.

### *Sak 4 Godkjenning av innkalling*

Innkallinga vart godkjent ved akklamasjon.

### *Sak 5 Godkjenning av dagsorden*

Nye saker under eventuelt:

*Sak 12 Cyb 42*

*Sak 13 Råd for moral og etikk*

Innkallinga vart godkjent ved akklamasjon.

### *Sak 6 Semesterberetningar*

6.1 Semesterberetning ved leiar, *vedlegg 1*

6.2 Semesterberetning ved kjellermogul, *vedlegg 2*

Kommentarar:

1) Antall utleiger av Escape har dette året har vore høgare enn budsjettert (11 utleiger)

2) Nokre meiner at Cyb sine vakter har for strenge rutinekontrollar, dette har vore ukjent for styret i Cyb.

### *Sak 7 Rekneskap, vedlegg 3*

Rekneskapet vart presentert av Daniel Høgli Olufsen.

Kommentarar til rekneskapet:

- 1) Sidan Escape opna fyrst i mai har det vore ein del avvik frå budsjett (mindre inntekter og mindre utgifter).
- 2) Det har vore ein del rot med rekninga frå Hemsedalturen 2011, dette har vorte ordna opp i, men er ikkje presentert i rekneskapet.
- 3) Etter UiO200 lånte Cyb pengar av Fordelingsutvalet (FU) og dagen@ifi for å dekkje utgifter. Dette er ikkje ordna opp i pr. dags dato, men vil vere i orden innan utgangen av veka.

#### *Sak 8 Budsjett (Forslag til budsjett 2012)*

Budsjettet vart presentert av Daniel Høgli Olufsen.

Cyb vil frå og med denne generalforsamlinga presentere årlege budsjett. Denne endringa har vorte gjort på bakgrunn av ynskje frå administrasjonen frå Institutt for informatikk (IFI). Årlege budsjett gjer det og enklare for Cyb å søkje om pengar i god tid før store arrangement, då dei gir ei betre oversikt over økonomien.

Kommentarar til budsjettet:

- 1) Inntektene i haustsemesteret er svært mykje høgare enn i vårsemesteret på grunn av fleire større arrangement som f.eks. fadderveke og dagen@ifi.
- 2) For å setje opp budsjettet har det vore brukt ei kalkyle der ein har teke utgangspunkt i inntekter og utgifter i samband med drifta av Escape kvar veke.
- 3) Dersom det er interesse for å sjå nærare på tala i budsjettet kan ein kontakte Arne Hassel.
- 4) Ein ser at taxi-utgifta har auka, dette fordi ein reknar med at dette tilbodet, heimkøyring etter vakt, vil verte brukt hyppigare framover.
- 5) Det har til no vore usikkert i forhold til ansvarsfordeling rundt vedlikehald av inventar, dette har gjort at vedlikehaldsposten har vorte fjerna. Dette er eit punkt som vil verte teke opp att neste generalforsamling då ein reknar med å vite meir om saka.
- 6) Målet med ha å eigenkapital er å kunne dekkje store rekningar når dei kjem, utan å måtte låne pengar. Det er òg for å kunne dekkje uforutsette kostnader som måtte komme. Pr. i dag har Escape omlag like stort varelager som eigenkapital.
- 7) I hastesaker har vi moglegheit til å handle på kreditt fordi IFI stiller som garantist.
- 8) Det vart lagt inn eit ynskje om at Cyb kunne søkje FU om meir pengar til Hemsedalturen, og minske deltakarprisen.

Budsjettet vart godkjent ved akklamasjon.

#### *Sak 9 Kontingentfastsettelse*

Hovudstyret i Cyb foreslår å halde kontingenten på 30 kr pr. semester.

Forslaget vart godkjent ved akklamasjon.

## *Sak 10 Valg*

*Føljande styremedlem sit over frå førre generalforsamling; Daniel Høgli Olufsen. Frå og med i år er det direkteval på alle verv i hovudstyret og kjellarstyret.*

### *10.1 Hovudstyret*

#### *10.1.1 Leiar*

*Stiller til val: Ole Henrik Hellenes, noverande nestleiar i Cyb.*

Ole Henrik har vore ein del av Cyb sidan han starta på IFI, og dette har gjort studiekvardagen hans betre. Han har lyst å halde på den noverande styrestrukturen og internkulturen, men auke kommunikasjon mellom hovudstyret og kjellarstyret. Eit mål er å få fleire interne slik at dei som er veldig aktive kan verte avlasta. Det er òg viktig for det vidare arbeidet, med Escape og Kaféen, at ein aukar synlegheita av Escape og Cyb blant studentar på IFI og resten av Blindern.

Ole Henrik Hellenes vart valt som leiar ved akklamasjon.

#### *10.1.2 Nestleiar*

*Stiller til val: Veronica Heimsbakk, er no sjenkemester og initiativtakar for rollespelgruppa til Cyb.*

Veronica Heimsbakk har vore aktiv i Cyb sidan ho starta på IFI. Ho likar godt å arbeide med galla og å halde gode tradisjonar gåande. Eit mål er å styrke det interne, og gjere det eksklusivt å vere intern. I tillegg ynskjer ho å jobbe for at Cyb vert meir synleg på Blindern, gjennom betring av PR-rutiner. Ho har arbeida med Ole Henrik tidlegare, og trur dei kan verte eit godt team.

Veronika Heimsbakk vart valt til nestleiar ved akklamasjon.

#### *10.1.2 Kjellermogul*

*Stiller til val: Vegard Angell*

Vegard Angell har vore aktiv i foreningslivet på IFI sidan han starta, fyrst i FUI og sidan i Cyb. I år arbeida han teknisk for UiO200. Vegard ynskjer å styrke kommunikasjonen mellom hovudstyret og kjellarstyret, for å forbetre samarbeidet. I tillegg ynskjer han å gjere Escape meir synleg på campus ved å forbetre PR-arbeidet. Med dette ynskjer han òg at fleire nye skal bli kjende med studentpuben på IFI, og føle seg velkomne der. Vegard vil òg fokusere på at kommunikasjonen innad vert styrka, slik at alle som arbeidar frivillig for Cyb vert tekne vare på.

Vegard Angell vart valt til kjellarmogul ved akklamasjon

#### 10.1.4 Arrangementssjef

*Stiller til val: André Boganskij Amundsen*

André Boganskij Amundsen går 3. året på IFI og held fram med master etter fullført bachelor. Han har vore i arrstyret i ei tid, og kjenner godt til arbeidet som vert gjort.

André Boganskij Amundsen vart valt til arrangementssjef ved akklamasjon.

#### 10.1.5 Blæstsjef

*Stiller til val: Dan-Mikkel Hübenette, Ana Culén og Magnus Dæhlen.*

Dan-Mikkel Hübenette ynskjer å bli blæstesjef for å auke aktiviteten og interessa for Escape blant studenane på IFI. Han har ikkje mykje erfaring i forhold til PR frå før av, men lærer fort.

Ana Culén ynskjer å bli blæstesjef for å spreie gleda over Escape til f.eks Fredrikkeplassen. Ho meiner ho skil seg frå dei andre kandidatane fordi ho er spesielt god på å organisere. Ho har ikkje mykje erfaring i forhold til PR frå før, men ynskjer å lære meir om det.

Magnus Dæhlen ynskjer å bli blæstsjef for å auke bevisstheten om Escape på Blindern. Han har arbeida ein del med PR frå før og har mange gode idear til korleis ein kan få fleire til å engasjere seg på IFI.

Magnus Dæhlen vart valt ved fleirtal.

#### 10.1.6 Rekrutteringsansvarlig

*Stiller til val: Ana Culén*

Ana Culén vart valt til rekrutteringsansvarleg ved akklamasjon.

#### 10.1.7 Internansvarleg

*Stiller til val: Andreas Lind-Johansen*

Andreas Lind-Johansen har vore med i Cyb sidan han starta på Ifi i haust. Han har mange år med ulik erfaring frå før, blant anna frå lokalradio. Andreas meiner det er viktig å arbeider for eit betre miljø og eit betre tilbod for interne.

Andreas Lind-Johansen vart valt til internansvarleg ved akklamasjon.

#### 10.2 Kjellerstyret

#### *10.2.1 Barsjef*

*Stiller til val: Anne-Marte Ihler Jansberg*

Anne-Marte Ihler Jansberg har ikkje vore i Cyb lenge, men ynskjer å få orden på bardrifta. Ho har tidlegare arbeida som bartender og arrangementsansvarleg.

Anne-Marte Ihler Jansberg vart valt til barsjef ved akklamasjon.

#### *10.2.2 Økonomiansvarleg*

*Stiller til val: Fredrik Gjertsen.*

Fredrik Gjertsen studerar programmering og nettverk. Han har vore med i økonomigruppa fram til no og har ei økonomisk utdanning.

Fredrik Gjertsen vart valt til økonomiansvarleg ved akklamasjon.

#### *10.2.3 Teknisk ansvarleg*

*Stiller til val: Christian André Finnøy Ruud*

Christian André Finnøy Ruud har vore aktiv som DJ i Escape sidan i vår. Han ynskjer å få orden på utfordringane som er i Escape pr. dags dato.

Christian André Finnøy Ruud vart valt som teknisk ansvarleg ved akklamasjon.

#### *10.2.4 DJ-sjef*

*Stiller til val: Henrik Hellerøy*

Henrik Hellerøy trur han kan stille med ein god musikkprofil då han høyrer på mykje forskjellig musikk.

Henrik Hellerøy vart til DJ-sjef ved akklamasjon.

#### *10.2.5 Kafésjef*

*Stiller til val: Vegard Knutsen Lillevoll*

Vegard Knutsen Lillevoll har arbeida i kafeen i omlag eit halvt år. Han ynskjer å auke drifta i kafeen - ope fleire dagar og større utval i varer.

Vegard Knutsen Lillevoll vart valt til Kafésjef ved akklamasjon.

#### *10.2.6 Personalansvarleg*

*Stiller til val: Sjur Hernes*

Sjur Hernes har dette semesteret hatt ein del andre verv, men vil ikkje ha fleire verv på Ifi det kommande semesteret.

Sjur Hernes vart valt til Personalansvarleg ved akklamasjon.

#### *10.2.7 Vaktsjef*

*Stiller til val: Paul Kristian Johansen*

Paul Kristian Johansen har vore i vaktgruppa sidan han starta på Ifi, og er difor godt kjent med dei noverande rutinene.

Paul Kristian Johansen vart valt til Vaktsjef ved akklamasjon.

#### *10.2.8 Utlånsansvarleg*

*Stiller til val: Atle Nordland*

Atle Nordland ynskjer å halde fram arbeidet med ei rutinene som Henrik Hellarøy har utarbeida. Han ynskjer å halde fram med eit høgt antall utlån pr. semester.

Atle Nordland vart valt til Utlånsansvarleg ved akklamasjon.

### *Sak 11 Vedtektsendringar*

#### *11.1 Endring i vedtekt - 3 Drift og arbeidsgrupper, punkt d* Forslag innsendt av Torkil Vederhus

Ståande vedtekt:

3 Drift og arbeidsgrupper

...

d) Om nødvendig kapital til foreningens drift (100.000 kroner) samt bardrift (400.000 kroner) og vedlikehold (250.000 kroner) er oppspart skal et eventuelt driftoverskudd overføres Fordelingsutvalget ved årsskifte.

Foslag til vedtektsendring:

3 Drift og arbeidsgrupper

..

d) Hvis den samlede verdien av foreningens kontakter, bankinnskudd og lettomssettelig varer overstiger x kroner ved årsskiftet skal overskytende midler overføres Fordelingsutvalget.

Hvor x er

a) 400 000

b) 500 000

c) 600 000

Kommentarar til vedtektsendringa:

- 1) Grunnen til at ein har sett av desse summane no er fordi ein ut i frå berekningar ser at dette er gunstig. Sidan Escape endå har vore i drift i kort tid er det vanskeleg å sei om desse tala er optimale, men ein ser inga grunn til å endre dei før studentpuben har vore i drift over lengre tid. I tillegg er det og ein del usikkerheiter rundt avtalane mellom leiinga ved Institutt for informatikk og Escape i forhold til vedlikehaldskostnadar osv. noko som gjer det desto viktigare å ha likvide midlar tilgjengeleg.
- 2) Det vert kommentert at det er lurt å samanlikne driftsrekneskap og budsjett, samt rammer for likvide midlar, med andre studentpubar.
- 3) Det er viktig at denne saka kjem opp igjen når Escape har vore i drift over lenger tid, samt når avtalar mellom Escape og leiinga ved Institutt for informatikk er klargjort.
- 4) Det er viktig at Cyb og Escape og bidreg med midlar til FU for å sende ut gode signal til dei andre foreningane ved Ifi.

Dei tre vedtektsendringane vart stemt over, opp mot den ståande vedtekta.

Vedtekta vart ståande.

*Eventueltsaker:*

*1) Cyb 42 v/Iver stubdal*

Utdeling av pins til avtroppande styremedlem.

*2) Råd for moral og etikk v/ Øystein Røysland Sørli*

Dersom nokon har spørsmål eller bekymringar kan dei rettast til Råd for moral og etikk. Kontaktinformasjon er å finne på [cyb.ifi.uio.no](mailto:cyb.ifi.uio.no).

*Protokollen er kontrollert og godkjent av;*

---

Stad/Dato

---

Helena Zarifa Pedersen

---

Stad/Dato

---

Øyvind Bakkeli stilte